山庫全幸

史部

欽定四庫全書

歷代名臣奏議卷二百二 史部

詳校官編修眉 瓊

编修臣表 議覆勘

校對官編修臣沈清藻 總校官編修臣王燕緒 腾銀監生臣董邦本

ここうという 胜代名臣奏議 外謂為莊妄斥而逐之故 居易上奏曰臣伏見内外 人以直言時事思獎登 楊士奇等 八無愛懼喧喧道路異 撰

節度幸貫之同所坐故出為果州刺史裴垍以覆策又不 人追則必君子之道長若数人退則必小人之道行故卜 近地故比來聚情私相謂曰此數人者皆人之望也若數 坦章貫之等皆公忠正直內外成知所宜授以要權致之 故點為左應子王橋同之亦停知雜臣伏以裴垍王涯慮 退直言者故免内職除户部侍郎王涯同所坐出為號州 並出為關外官楊於陵以考策敢收直言者故出為廣府 司馬盧坦以數舉事為人所惡因其彈奏小誤得以為名

一部一定四年全書—

巻二百二

來並蒙獎用或任之耳目或委以腹心天下人情日望致 一時事之否戚在數人之進退也則數人者 自陛下嗣位以 罪之不審陛下得聞之否臣未知此就虚實但獻所聞所 口不審陛下得知之否凡此除改傳者紛然皆云裴垍等 廷下至衛路衆心沟海驚懼不安直道者灰心直言者杜 過稍可優容況且無瑕豈宜點退所以前月已來上自朝 理今忽一旦悉陳葉之或降於散班或斥於遠都該令有 不能委曲順時或以正直忤物為人之所媒蘖本非聖意 1.1. 歷代名臣奏議

故也臣又聞君聖則臣忠上明則下直故堯之聖也天 言出身戮亦所甘心何者臣之命至輕朝廷之事至大 乎虚之與實皆恐陛下要知臣若不言谁當言者臣今 開皆虚陛下得不明辨之乎所聞皆實陛下得不深慮之 得稱聖明也今陛下明下詔令徵求直言及以為罪此 理矣賈誼植比之倒懸可為痛哭二君皆容納之所以 臣所以未諭也陛下視今日之理何如堯與漢文之時 下已太平矣尚求誹謗以廣聰明漢文之明也海內己

多灾四届全書

卷二百二

陛下縱未能推而行之又何忍罪而斥之乎此臣所以 Card Digit Latin **畿尉擢為左補闕書之國史以示子孫今僧孺等對策** 事三公當免卜式者議弘羊可烹此皆指言當時在權 直言極諫之士親自臨試問以天早穆質對以两漢故 為陛下流涕两痛惜也德宗皇帝初即位年亦徵天下 位而有恩寵者德宗深嘉之自第四等拔為第三等自 言索之極諫呼岩以為未及則僧孺等之言固宜然也 乎若以為及之則誹謗痛哭尚合容而納之況徵之直 歷代名臣奏談

嗣祖宗承耿光之道也書諸史策後嗣何觀馬陛下得 其言直合取涯亦不敢以私嫌自避當時有次其已陳 奏不意群心構成禍端聖心以此察之則或可悟矣億 避之唯求直言以副聖意故皇甫提雖是王涯外甥以 東至公以為取拾雖有鄉怨不敢棄之雖有親故不敢 奉宣令臣等精意考覆臣上不敢員恩下不忍員心唯 不再三省之中臣昨在院與裴垍王涯等覆策之時日 之中切直指陳之言亦未過於穆質而遠斥之臣恐非

金为四月百十

卷二百

辜聖恩實亦下員神道所以密緘手疏潜吐血誠苟合 一獎用使內外人意散然再安若以臣此言理非允當以 处足口事 ~~ 拾遺日草部書月請諫紙臣若默點惜身不言豈惟上 陛下察臣肝膽知臣精誠以臣此言可以聽禄則乞俯 惕豈可苟安敢不自陳以待罪戾臣今職為學士官是 臣覆策事涉乖宜則臣等見在四人亦宜各加點責豈 可六人同事唯罪两人雖聖造優客且過朝夕在臣懼 **廻聖覧特示寬思僧孺等准社例與官裴垍等依舊職** 歷代名臣奏議

在九重何由得盡知外事政之可否我合是宰相執論 六年憲宗謂宰臣曰朕少年在德宗左右見貞元中天 臣奏請皆有疑慮别結他門私思信納事傾宰府公道 可盡歸怨於德宗朕以謂此是當時宰相之過德宗 不行所以下情不得上達當時人情頗亦思亂帝曰不 下不理何故如此李吉甫對曰德宗自用聖智不任宰 天心雖死無恨無任憂懼激切之至 度不得至再三再三不得直至五六道理既當事實 深

在プロ

アスミコラとき 南當言人臣不當强諫使君悅臣安不亦美乎李絳曰 達重臣所請必不然也朕在當時不見宰相執論公事 日絳言是也絲或久不諫帝輕話之日豈朕不能容受 且至五六度不得謂朕怒惟便止不論卿等當悉之吉 至於再三者卿等皆須屬志不得順朕之錯必須執奏 無私自然上意須迎詳思至當豈有固守無理之事苟 邪將無事可諫也 人臣當犯顏苦口指陳得失若陷君於惡豈得為忠帝 胜代名臣奏議

金分四月百十二 實在其所用至於文皇發一言則王魏善之而後出舉 皇帝時王珪魏後為諫官文皇雖宴将寢食之間王魏 命三品已上入議軍國大政必遣諫官一員隨入以參 今之備位素餐不行其職者莫過於臣輩臣聞太宗文 位而不行其職者誅是以上無虚授下無隱情臣竊觀 元和中左拾遺元稹上奏日臣聞先王之制禄也居其 以舉無遺事言有典常文皇循以為視聽之未廣也因 一事則王魏慮之而後行以文皇之明合王魏之智是 卷二百二

していりることう 則不然大不得備召見次不得祭時政排行就列累累 驗之當是之時司股松耳日之任者有君臣之義馬有 而已且臣聞之諫官之職曰左右前後拾遗補闕大則 父子之恩馬有朋友之敬馬是以否無不替可無不行 達也岩此然後可以稱天子之節臣实近之司諫節者 計豈干戈征伐之所致乎盖擁嵌之患銷而必遠之情 廷議小則上封近年已來正衙不奏事庶官罷処對若 不四三年而天下大理蠻夷君長帶刀入侍者不可勝 歷代名臣奏義

供奉官與王廷魏徵為等列臣雖至愚能不自愧且陛 今之人以上封進計為妄動拾遺補闕為冗員以此稱 欲収綠綸之詔迴日月之光信無神於萬一矣至使凡 此則不見遺闕補拾何階不得數陳廷議安設其所謂 **多灾四月全津** 况於旣行之語今已命之除授然後奏一封執一見思 舉諫職者唯獨語令有不便除授有不當則奏一封執 籌畫於至密尚不能回至尊之盛意備議隱之巧言而 見而已以臣思之君臣之際論列是非諷諭於未形

てこうと 亦 或言不諳理塵贖聖聰則臣自真刑書以謝謬官之 器立之於朝尚以為務廣聰明稍關理道又不當屏棄 言有可操得禅陛下萬分之一是臣千載之一時也 **疎賤之使至於此伏願陛下許臣於延英候對召臣** ·若以為臣等無所裨補不足餐侍從固不當假以名 一賜以温顏使臣得盡愚惡之誠備陳諫官之職尚或 又自以職該静不得数召見乃上奏曰臣聞理亂之 臣之所以甘心也無任怨敖發情多職忘聽之至 111. 歷代名臣奏議 Ł 如

始前象未見之時必有在直敢言之士抵忌諱獻危言 始各有前象二者無門在君上啓之而已所謂前象豈 習者不敢蔽疏遠之臣庶此理之象也此而不理萬無 之前也此而不亂亦萬無一馬是以古者人君即位之 有他哉容直言廣視聽躬勤無務委信大臣使左右近 馬大臣不親直言不進抵忌諱者殺犯左右者刑與 二近智者法事於深官之中羣臣莫得泰籌畫此亂 一者苟或宥而容之激而進之則天下之君子望風

多灾四周全書

起二百二

欽定四車全書 不出直言者戮而不容則天下之君子自謀於心日與 容直言廣視聽而不理者萬無一馬及夫追計者入而 速必達合天下之智理萬物之心人人樂得其所戴其上 如赤子之親慈女也雖欲誘之為亂其可得乎臣故曰 各以听志貢言於上上下之志需然而通得失之情必 得幸於上吾將直言以徽利可也由是天下之賢不肖 而悦曰彼之狂而猶容於上上之人其欲來天下之士 予吾之道可以行矣其小人竦利而言曰彼之直可以

尚順是非以事之可也由是進見者華而不內言事者 亂其可得哉昔太宗文皇帝初即位時天下之人莫有 無耳目也盖左右前後者屏蔽之不使視聽爾此而不 開也而沉於天下之大四方之遠乎故日襲着之君非 震而不聞岩此則十步之事不得見也朝廷之情不得 其言且不用而身為戮吾寧危行言遜以保其終乎其 諫者唯孫仗伽嘗以小事特諫於上文皇帝大悅厚賜 (釋利而言日君之所惡者拂心逆耳之言也吾將

文三日車 在上 好戮辱哉盖文皇激而進之之功也喜順從而怒賽犯 而惡戮辱古今之情一也豈獨貞觀之人輕犯忌諱而 激文皇之盛意會不以觸龍麟犯忌諱為不可矣於是 亦古今之情一也豈獨文皇甘逆耳而怒從心哉盖以 外不四三年而天下大理豈文皇獨運聰明於上哉盖 亦潭下各盡其言以宣楊發暢於天下也且夫樂全安 田宅以勉之自是言事者惟懼乎言不直諫不極不能 房杜王魏之徒議可否於前天下四方之人言得失於 歴代名臣奏 議

一賊恤人賜帛者年旌問孝弟脩廢學建義倉莫不由被 被思為子孫垂不朽建永安之計也為後嗣者其可順 順從之利輕而危止之禍大無窮之業重而奉已之事 金グロアと 黨散懸惠琳之首而悖亂之氣消發承光之詐而假威 紹復前統即位之日天下惟新罪叔文之徒而凶都之 之孽除反焦陂之田而蒸庶之情感其餘滌瑕緩死簿 百年矣莫不率由斯道致俗和平沉陛下以上聖之安 一朝之意而輕用文皇之天下乎累聖傳緒於今垂二

位諫列名為供奉官曠日彌年不得召見每就列位屏 殊私軍于有截斯皆陛下上法堯舜近法太宗致理之 たこりられたから 陛下伏伽之賞者左右前後拾遺補闕亦未有奏一封 我此此有所未快者獨以陛下即位以來既周歲矣百 聞雪一宛决一事明陛下無坐不察之意者若臣等備 辟卿士至於天下四方之人會未有獻一計進一言受 前形見者数十豈臣庸多一二能明然而下臣竊復孜 該受陛下激而進之之勤者設諫鼓置**壓**函會未 歷代名臣奏議

豈或入而不出言而不用哉盖羣下因循不能有所發 金少四屋人可 承聖問仰謝罷光之不服又安服陳理亂議教化哉其 而已每一對数不及俄頃問議天下之事臣竊料之恭 其路何階遂使凡今之人以諫鼓壓區為虚器謂拾遺 氣鞠躬不敢仰視又安服議得失獻可否哉供奉官尚 明之罪也且臣思之今之情召承顧問者獨一二執政 補闕為冗員臣竊思之以陛下之審博宏深勵精求理 爾又沉於跡遠之臣無雖有特達不群之智思欲自劾 卷二百二

を己の声なか 性為此妹然無識然以當陛下臨御之始首陛下策賢 餘瑣瑣有司或時一召見言簿書之出入計錢穀之登 終歲無一人豈非羣下因循竊位之罪乎若臣稹者禀 陛下當致理之初在四方多虞之日然而言事進計者 匡輔之智而猶上封進計者将至獻可替否者日聞今 何如貞觀致理之後當貞觀致理之後以房杜王魏 不服又安足置牙齒間臣竊惟陛下以景命惟新之 雅授諫司思萬常品若復默默與在位者處則臣 歷代名臣奏議

出官人以消水旱四日嫁諸女以遂人倫五日無時 金好四屆自己 宰相以講庶政六日序次對百辟以廣聰明七日復 莫大之罪亦萬於常品矣輒敢冒昧殊死件奏十事於 十者設使言之而是是而見用非臣之福也天下之福 衙奏事以示躬親八日許方幅糾彈以懾姦佞九日禁 也苟或言之而非非而見罪乃臣之分也亦臣之願也 時貢獻以絕誅求十日省出入政遊以防街概凡 日教太子以崇邦本二日任諸王以固磐石三日 卷二百 此 召 JE,

一颇有不實言事明黨多是誇講須遠貶三两人甚者以 憲宗時學士李絲浴堂論事畢帝曰近日聞諫官諫事 話之詞商旅諺市以詳得失之政故成湯聖德格于皇 歴代帝王置敢諫之鼓立司過之吏木鐸狗路以采風 夏禹拜昌言漢武延直諫所以光於史策也史傳備載 天而稱改過不勝顏回布聖四科之首而美不貳過則 以誤天心且自古聖王未嘗不納諫則昌拒諫則亡故 屬其餘終因對日陛下此言似非聖意恐有邪佞之人

沙尼四軍全馬

歷代名臣奏議

金クロアイー 之君泊我太宗室諫路以自壅蔽不聞其過唯失道之 於李大亮孫伏伽之信皆以上疏諫事並家褒獎魏徴 君惡聞已過夏無殷利用坐秦皇以拒諫静飾非及道 英聲於萬古王魏流芳名於千載未聞堯舜禹湯文武 知雖至聖賢不免有過町貴能改不至順非岩無諫諍 何以知過故書云汝無面從又曰從諫如流告太宗以 王珪事大小皆獻直言諫静切直用裨聖德故太宗振 聖武削平天下奄宅萬國而懼臣下不諫誘之使言至

敗德直言者謂之誹謗正諫者謂之妖邪忠臣結古端 過報改易覆車之報啓忠臣之心則當政化益光宗社 士養跡故不知已過遂至亡國向者四君招諫使言聞 臣早如地加以日月之照雷霆之威小臣晝度夜思將 有驪山軟道之師且今補闕拾遗天后所置使在左右 以示後微臣竊為陛下惜之夫臣下貢言於至尊如天 司察得失告施之於女主今點之於聖時國史之中 永固殷湯周武安得有鳴條牧野之戰我人漢祖安得

たこの呼んか

胜代名臣奏談

推事君之道而致然也其君上納忠如是之急也臣下 義不顧其身懷忠不避其禍苟有致君濟時之益不識 金分四項白量 觸思冒諱之誅何哉盡節之臣竭忠之士顧食君之旅 有上諫本欲陳諫十事至時已除五六速於緘封上進 有益於已正諫有神於時温言容納獎勵勘道忠臣抱 又削其半其得上達者十無二三何哉陪忤意之言干 上諫如是之難也听以明主須有其過怕的納諫切言 不測之禍顧自無利相時避禍者也自非聖主知直言

卷二百二

火王の日とい 是陛下之利陛下不以臣愚昧使處腹心之地豈可見 者實之使必追極諫者襄之使必行然後聖德光明大 縱横方鎮進獻事宜上怒甚頭面俱亦 属聲日卿所論 絳又於浴堂北廊奏對指切時弊有忤上古及論中官 化宣暢今點責諫臣使直士杜口非社稷之利朝廷之 事何太過耶絳奏論不已曰呀奏陳事理豈臣身之利 褐也陛下詢於微臣不敢不陳愚敖帝曰非卿此言我 知諫詩之益也 歷代名臣奏該 古

盡節竭誠於國人町不敢言卿悉言之朕聞听不聞知 社稷之福也上見絳誠切不回怒色却散乃慰諭日卿 事虧聖德致損清時而惜身不言仰屋竊嘆是臣負除 金只正是有量 祇是威福太盛虧損聖明故不敢不言也使臣緘默非 獲罪是陛下負臣也且臣與承难素不相識又無嫌除 惡宗嘗召學士於三殿對奏論政事拾遺白居易言事 **野不知真忠正誠節之臣也疾風知勁草卿之謂矣** 下也若不顧禍患盡誠奏論旁忤倖臣上犯聖旨以此 卷二百二

悦曰依即野奏遂待之如初 抗直日陛下錯帝色莊而罷乃謂李絳日白居易小臣 所言志在裨益言雖太直事涉不私伏恐衆議以為陸 怒之則是緘其口若從順陛下則安敢發言論沉居易 陛下開納諫静容受直言小臣然後敢極論得失從而 穆宗時柳公權為司封員外郎帝問公權用筆法對 下惡聞直諫斥出正人非所以發揚聖德納諫諍也 遊須令出院絳因諫曰臣聞主聖臣直宥過莫大自 日

を三口事と手

歷代名臣奏議

i

:

盂

金分四月月十 李訓鄭注教文宗以術御下遂成此風人主但當推誠 武宗嘗謂宰相曰文宗好聽外議諫官言事多不著名 心正則筆正筆正乃可法矣帝改容悟其以筆諫也 日 軍 侑議論他人不欲聞惟陛下欲聞之幸甚 李宗閔對日單侑經術甚可尚然議論不足聽李德裕 文宗泰和七年帝從容謂宰相曰殷侑經術頗似鄭覃 如匿名書李德裕曰臣頃在中書文宗猶不爾此乃 有欺罔者威以明刑其誰敢欺上善之 卷二百二

後漢隱帝乾祐中令常 故仲尼以謂人情者聖王之田治道所由生也是則時 職疏曰臣聞立國之本在乎得士得士之要在乎見情 聞奏從之 時政欲乞停轉對在朝羣臣有听聞見即許不時話 之否泰事之損益萬化 野緊必因人情人莫智於聖人 ここうき いたう 宋真宗景德三年直集賢院任隨乞以賞罰責諫臣舉 上章曾非舊制百官叙對且異昌言徒流天聽無益 聖代名臣奏漢 琴官轉對給事陶殼上言日五

多灾四月台書 掌諫之臣未聞乎舉職今諫議大夫司諫正言數員但 資聖人之德者實由於良輔故漢書曰明主不惡切諫 古之聖心軼前代之令典雖求諫之路已見於洞達而 羣書乙夜而忘寐仍下賢良之詔旁求亮直之臣惟稽 人之列陛下祗嗣不圖東持金鑑可封之俗既阜成矣 無疆之化亦馴致矣尚聞焦勞庶政待旦以視朝歷覧 而求治致君道於無窮故為臣有五諫之名前代有七 以博觀忠臣不避重誅以直諫諫也者盖所以達下情 卷二百二

或嚴替推誠彌雞屬節言事有神於時政抗軍不避於 充位尸禄而已是致堯鼓之設寂寥而無聲杜解縱陳 天詠進思盡忠有犯無隱則請行既耀以屬泉馬其或 員數優其俸給限以還官之年月責以供職之否臧其 罰之文示懲勸之道其两省諫官並准有唐故事定其 及雷之風莫覩引裾之直願陛下擇賢士點具臣垂賞 蹇 誇而無弱箱篋謾藏於陳紙播紳競寢於正辭罕遵 利無慙弼違有闕務引腹非之咎多致面從之諛不 ほそろ 至長義

|銀定匹庫全書 意遂命杜鶴陳彭年檢討前代臣僚上封言事故事而 **啓心而沃心問危言而危行降無以屬衆馬夫如是則** 降詔曰朕司牧生民講求政典言念代工之理實資者 行彈糾者若偏聽則事不可明若宣行則又違言者之 言者請留中不下是皆攻人之短發人陰私而不欲明 而報國矣 賢者勘情者沒庸者當懦者立律朝廷之士咸願竭忠 四年帝謂王旦等曰朕以臣僚上殿者衙子不列姓名 *二百二 欠正口軍と与 位之臣咸服官联並勤夙夜固傾輸於誠節悉砥礪於 **贖政經今後所上章疏並具姓名不得更乞留中如事** 言豈必留中匿名伴有傷於公禮盖有愛憎是狗善惡 廉隅格奉教條共康理道而有因循未幸習以為常馳 竭誠凡听上章故當無隱償思盡痒奉國復何恤於人 競相緣免而無耻或攸司之曠廢或言事之訴欺宜領 多評但欲潛感於聽聰不顧顯行於按覆頗彰欺問深 申做之文用治至公之化文武臣僚等各膺罷遇宜在 歷代名臣奏談

得領令行下臣聞唐憲宗時李絳面請獎納規諫上曰 所東帝王必不盡知天下之事若升殿論奏不問小臣 金万口居石三 博訪得失可以輸盡忠慰苟機客之事不可示外者豈 李邈上奏曰臣伏覩乙世詔書文武官凡上章疏不得 卿所陳至公有神於我今章處厚路隋甚有諫疏言極 于禁中四方聞之以謂天子禁中留一紙書亦為敕文 更乞留中並當付外施行者若帝王省決章疏不得留 干樞密朕即臨時相度自餘並付听司依理施行通判 卷二百二

誠結明主陛下亦欲盡審諸臣才器若悉付外則何人 と見りるかい 復敢獻言此詔若行恐非九當願令追寢以開言路 忠益卿不知則當時諫書亦有留中之制且忠臣以款 置諫臣七人成湯至聖有好問則裕之言漢祖至明有 有也故書稱明目達聽以防壅蔽也是以古之天子必 臣股於也諫臣耳目也有人發耳目而得聰明者未之 驗其隆替言路之開塞繫平安危何則君為元首也大 仁宗天聖元年右正言劉隨上奏曰臣聞諫臣之廢置 歴代名民奏 議

御圖永微已後忠良獲罪姦那恣行諫諍之風于時婦 · 新好四屋 有電 以上下無壅而君臣同徳太平之風可謂至矣及萬宗 十四定天下二十九即帝位鑑情偽之理明治亂之由 官憲臣史官預聞之尚記令不便大臣不直刑賞不當 從諫如流之美臣聞以古為鑑可以知興七不敢遠精 邪正未分則諫官得節之憲臣得彈之史官得書之是 聖文神武髙於三代然猶每與大臣會議政事必令諫 前典且以近代言之唐太宗何如主也十八起義師二 卷二百二

懷柔混一區夏真宗皇帝紹二聖之丕祚得萬國之數 鄰滋甚太祖皇帝乘時各運拯救生靈太宗皇帝文德 禄山之亂而越在草莽才憶九齡之語故曰諫臣之廢 地中衛之世固不足云以至動干戈於禁被危社稷於 た三日巨 !!! 置驗其隆替言路之開塞繫子安危厥後五代相仍亂 告口之樂聽林甫之佞而卒相仙客不察子諒之忠致 問可謂至治太平既久漸凍逆耳之言姦臣用事無後 級就明皇續承盡革前弊虚心納諫朝聞夕行開元之 股代名臣奏議

金万世后全書 宸東逐其元惡正人之用天下咸寧听謂任賢勿貳去 觀其用意思服何逃當光朝不豫之始使諫官絕班於 **忤無不優容悲弓劒之上德傳龜馬於繼聖而賊臣丁** 都勿疑者也乃詢遠御之策特建不拔之基雖股於宣 冢宰檀權之時致無人論奏皇天眷命聖人道存特出 謂包藏私志孤員國思謂天高而可欺謂地厚而可問 心夷夏大同草木咸岩稍廣開言路躬自採納縱有觸 力致六合以為家而耳目未布應一物之失所爰稽前

- CLID for Chili 品杖雖早責任甚重禮日有犯無隱傳日知無不為是 具奏陳誘之以厚利而不動臨之以白刃而不懼此諫 之間不以才進或公忠之士濫被中傷或流放之人天 其或賞不以功罰不以罪詔令不便與作無時或除拜 心唐志云左右拾遺掌供奉諷議今之正言則拾遗也 事復致諫官臣最處庸愚獲預檢選凡関理體敢不盡 以王者有過則犯顏而進諫大臣有罪則直指而不忌 下未知其罪或進用之者天下未見其能凡關損益合 歴七ちを えんん

舉則公卿大夫不當其任而郡縣失守夷状不信矣使 金克四库全書 --則正正則網係舉網係舉則公卿大夫各當其任而州 也至公則天下合而治至私則天下離而亂且夫至公 在聖君裁之而已臣又聞天下之治亂由時政之公私 天下之勢如理緣而梦之欲其不亂其可得乎至公者 郡承風夷状嚮化矣使天下之勢如身臂之使指欲其 臣之職也然諫臣未必盡賢言事未必盡善用捨之際 不治其可得乎且夫至私則濫濫則網條不舉網條 表二百二月 言 包巴印甲巴島 行之将用之而物議未允必屈己而寢之此致治之本 古危亡常由此也且王者有甚愛之事有甚愛之人将 虚心延納猶恐失之其或拒之孰敢抵罪是大臣顧位 大患在於不得間諫且王者操生殺之柄有雷霆之威 道非殊形以召亂也用捨之際豈容易哉臣又聞國之 而不肯言小臣畏罪而不敢言上下偷安苟容竊位自 也其徒常多而動相交結自古姦佞似忠亦不好亂其 何用正人也其徒常少而易為摇動至私者何用姦人 歷代名臣奏議

唐哲以至徳臨域中左右前後無非正人蠻夷我秋無 皇太后陛下聖智高遠以至公治天下皇帝陛下聰明 諫臣諍之於前御史糾之於後欲其敗事其可得乎今 金只口居人言 默默而不論則物議喧騰天下疑懼紀網漸壞乃危亡 也若以甚愛不顧物議而行之大臣唯唯而不言小臣 之道故曰國之大患在於不得聞諫是國家舉一事發 不率化網條整肅天下人安可謂治矣然治不忘亂安 令必自股肱大臣会謀協同而後行之萬一不可則

大足の事人を 一計念球透之難言使臣子得盡忠義之心九重得聞小 詩之職追難言之事有觸鱗之虞孔子曰未信則以為 誇已也今諫臣既置矣言路既開矣伏望思安危之大 補雖名侍從之列其實陳遠之官夫以陳遠之官當諫 切在於納諫其餘守常安静而已臣受命已來思有所 侍臣對以納諫為切憲宗行之大復土宇臣亦謂之所 以公危亂之勢不得生矣唐憲宗嘗問侍臣時之所切 不忘危盖亂必生於治危必生於安既治且安而制之 虚代名臣奏義

大之事則天下幸甚 命られると 其身不得不危罪一正則羣邪進王者不得不謹是以 必倦且直者那佞所惡自然之理也擊一邪則羣邪怒 言之得無難乎在難言而言之身常危以至賤疎遠之 諫如流漢祖於馬成帝業歷代聖主必有諫臣然念言 之甚難聽之不易以疎遠而指貴近以至賤而干至尊 人貢計直逆耳之說聽之豈云易也在難聽而聽之意 年隨又上奏日臣聞好問則裕成湯野以為聰明從 卷二百

設定四軍全書… 話增置諫員月賣諫疏明達耳目自後繞得四人諫官 位諫官二人 先帝焦劳寤寐思得正人至于再三未獲謹直遂下 親披封奏素靡漏言此乃極應臣僚疑有漏洩而不敢 而已皇帝御極追繼先志復置諫官又得四員以充其 在清途修古稱職亦為外任王碩以他事熟免後臣 ·歸諫省補報無狀出入八年復思光帝部旨云沉朕 割峰 御史二人彰與其政政獻替者唯聞宗道 道輔和中二人王碩士其間道輔詞秀 歴代名臣奏 説

盡言也周易云君不密則失臣臣不密則失身機事不 林甫二十年專政明皇不疑上官昭容權領天下唐祚 密則害成正謂此也天聖五年臣當言其等事舉朝官 顛預前代似此盖亦多矣國家傾敗常由此矣自两宫 縣厚結左右及官板之內是以動静光知迎合上意李 員誦其言語奉那側目增惡結雙甚可畏也若非两官 聖明深辨忠直則臣己竄逐退方矣自古奸臣皆以貨 御宇樂聞謹言然垂流之日疑有潜聽封奏之人爱其

幸甚 跃定四車全書 · 在前王思廣於聰明庶政莫能於壅塞尚應諫臣顧禄 景祐二年監察御史裏行派污乞免上封事人罪疏日 議其得失諫官御史朝野識其循默伏乞聖慈念先帝 臣聞主聖臣忠朝有直言之士下情上達外楊進善之 之日屏之左右則公忠之士得以盡言用廣聰明天下 漏言之戒思周易失臣之文凡有奏章藏収祕密垂蔗 漏洩是以人人懼禍而不敢盡言今則文武班列亦有 胜代名臣奏議

雖曰在愚猶勝諂佞况自道輔仲淹被點之後魔籍范 辭致語飛聲推寫敗類然極索奸之理或傷招諫之仁 鎮致對已來凡在播紳盡思緘默又應千里之外四方 日月干犯雷霆死有餘辜身不容責兼聞下吏審問支 因在情妄進暫言不識朝廷之儀惟撫市井之事毁欺 竊位懷安故於觀闕之前專該壓函之制言之無罪誠 深議或致嚴科實為止善今竊見上封事人李安世軟 不問於甲微來者可追無獲聞於讀議時加激賞猶避 なり

惟恐史官直書於違復可暖言路重設於艱危伏乞少 恩特免贏投以屬全節使彼偷安之士永懷內愧之心 康定元年孫沔為右正言又乞行諫臣之言疏曰臣竊 霽天威用存國體 况臣與其人素匪交親未嘗識面縱干大典絕不相因 之人不知安世記上犯顏將謂安世獻忠獲罪豈有至 てこうえ ここう 彈雀以珠听情者大伏望皇帝陛下俯回造化貸以寬 聖猶忌危言自遠流傳為議非美震樂之卵其類惡傷 **驻代名臣奏議** 145

一動灾四庫全書 首覧網略之務或見頒行要切體宜军開報可是使臣 得自傳聞十無二三再窮端實已後後時先事則有輕 宰臣庶於萬機之際或伸一得之應今給事不專封取 以諫諍之臣畏避是耻知無不言始為稱職大則庭議 發之機遂事則曰已行之命徒盡貢於封章實委煩於 不得從其或命令出入無以究論訪問陰求頗同姦何 舍人惟行詔語至於遺補分為虚秩政事不得聞乘與 則上封不顧忌諱以廣聰明有唐則名列中省班随

啓處不遑免首懷漸越走朝末听以知守道之難而為 右議公卿之非據指官寺之作威則将何如哉臣若循 僚之內但作疵瑕政教之中莫資補益臣自切承之已 義不易也伏望陛下明發無私斷在不疑凡有利於國 默自容是辜君赐臣若忤觸受戾又貽親憂方寸交戰 及五旬雖少陳於淺識終其副於虚懷稍形訊刺遂復 有補於時在陛下思而必行之況今政綱未甚舉過方 遲留至微尚有所難設若論朋黨於中外擊奸邪於左 しこうしいい 歷代名臣奏議 主

金少口戶台 景祐三年集賢校理余靖論范仲淹不當以言獲罪疏 無所恨伏聞今月十九日以吏部員外郎天章閣待制 在言上犯威顏甘俟寫逐 大於此者将以助一日二日之機矣臣本非博古妄進 此非臣听能知也岩陛下擇善執中雷動風行則事有 日臣聞位跡而言深者罪也知淺而謀深者妄也臣故 未甚寧災變未甚息人民未甚康尚仍舊貫一切示服 罪妄報有開陳者懷忠事君不敢自愛萬一益國死 叁二百二

范仲淹落職守本官差知饒州者臣獨仲淹東朴忠之 一致定四軍全書—— 歷代名臣奏談 典誰敢議之今以刺議大臣指許時政而不示含恕重 必忤上竭忠奉國夫豈私其身哉去處起自貶所召居 之太速乎然則仲淹若以官政闕失自取罪戾國有常 獲罪左降僻遠事出不意驚駭耳目何其進之太暴而逐 治招來忠讓真聖帝哲王聪明之政也今故遽聞以言 顧問之職爾時正人端士酌酒相賀盖喜陛下納善思 心懷直諫之節不識尽諱有可於憫觀其臨事不苟言

聽耳安可與鏡那同罪乎至如汲點在廷毀平津之多 母于夫婦之間犯顏逆耳最其大者以其言合典禮尚 云誇跨以昌不聞誹謗為罪況仲淹前所言事在陛下 詐張昭論將以魯肅為產疏漢帝吳王熟聞此議两用 陳淺褒貶過當未必盡合 聖慮此則斷在陛下 聽與不 前古若是者也今因進對之際言大臣長短縱令謀論 如優獎正人端士所以相賀者以陛下屈情狗道超越 如護謫臣深為陛下不取也肯堯舜之帝商周之王當 · 放定四軍全書 常流此乃瑜涯之龍今雖落職於仲淹之身未有所損 之名耳陛下自親政已來三逐言事者矣習以為常不 多含垢恐怒以示容納彼非不能快意行事盖惜千古 但所論者國家大體耳古者斥去直臣皆玷累盛徳故 得上達故敢區區不避該放臣之所言亦非管放仲淹 無精豈損今徳臣今越職而言者非不知百官內外各 何者仲淹自大理寺丞四五年間至吏部員外郎比於 有職分但以諫官御史畏罪而未言遂恐庶人之議不

陛下之聰在此舉矣不可不謹故臣被瀝肝膽莫陛下 甚重惜則恐書於史冊虧玷太平之政鉗天下之口塞 慶歷三年知谏院歐陽修上奏曰臣竊聞近日為軍賊 則天下幸甚 以壅塞而是爱不以誹謗而如罪追改前命無重過舉 察之伏望陛下以舜祭通言為念以漢招直諫為謀常 等於樞密院責狀不今漏泄指揮甚嚴不知此事出於 王倫事江淮州軍頻有奏報朝廷不欲人知召進奏官

· 替群聽杜塞人口況朝廷處事未必盡能合宜臣下獻 一賊事者多朝廷欲人不知以塞言路耳臣謂方今多事 忠未必全無可採至如王倫驅殺士 民攻切州縣 江淮 たこうころ ここう 官尤是本職凡有論列貴在事初善則開端惡則杜 聖古或只是两府大臣意欲如此以臣料之為近日言 有爱國之人欲為人主獻言常思聞事不的沉臺諫之 一際雖有獨見之明尚須博採善謀以求衆助豈可聲 上千里萬極事已若斯何由掩盖當今列辟之士極 **驻代名臣奏議** <u>:</u>

當不終始保全往往更加握用此自古明君聖主之所 聰明優容諫諍雖有狂直之士犯顏色而觸思諱者未 嘉祐元年修為翰林學士又上奏曰臣伏見陛下仁聖 言於未發無易回改今事無大小常患後時或號令已 金分四月全書 難也然而用言既難獻言者亦以為不易論小事者既 事非實封者不須秘密 知則言事之臣何由獻說臣今欲乞指揮進奏院凡有 行或事迹已布縱欲論救多不能及若更祕密不使聞 大二百二

者其言益輕而人主無由取信辜陛下納諫之意違陛 臺諫之官資望已峻少如追權便履清華而厭人言者 因此亦得進說直云此輩務要官職所以多言使後来 力听陳多未施設其人遠已改遷致陛下有聽言之勤 而未見用言之效頓疑言事之職但為速進之階盖緣 下賞諫之心臣以為欲救其失唯宜擇沈默端正守節 可鄙而不足為陳大計者又似迂而無速效欲後風則 未能感動將直陳則先件貴權而又旁有產言奪於東

にこりまとう

歷代名臣奏議

静寡言富貴不染其心利害不移其守安石久更吏事 伏見殿中丞王安石徳行文學為眾所推守道安貧剛 難進之臣置之該省則既無干進之疑無或其言可信 多次四角全書 先帝之制增置谏官四員己而中廢復止兩員今谏官 兼有美才曾召試館職固辭不就公著性樂間退淡於 世事然所謂夫人不言言必有中者也往年陛下上遵 而不屈司封員外郎吕公者是夷簡之子器識深遠沈 有虚位伏乞用此两人補足四員之数必能規正朝

たこり早 Alto I■/ 歴代名臣奏談 夙夜思惟願竭愚慮苟有可採冀神萬一臣近見諫官 六年脩為樞密副使又上奏曰臣材識庸暗碌碌於東 而自居職以來已逾年歲几事闋大體必須東議之協 廷之得失裨益陛下之聰明臣叨被荣恩未知報努苟 爾無聞上幸聖恩下愧清議人雖未責臣豈自安所以 同其餘日逐進呈皆是有司之常務至於謀散啓沃茂 人中蒙陛下不次拔擢置在極府其於報郊自宜如何 有所見不敢不言

命下之日中外端疑臣雖不知臺諫听言是非但見唐 時有中否而聖慈氨賜優容一旦臺諫联翩被逐四出 魔速方陛下自臨御以來雅用静臣開廣言路雖言者 情不宜有此臣竊以謂自古人臣之進諫於其君者有 甚多豈於此時頓然改節故為叛罔上昧聖聽在於 唐介臺官范師道等因言陳升之事得罪或與小郡或 金牙四月石 介范師道皆久在言職其人立朝各有本本前後補益 有易各因其時而已若剛暴猜忌之君不欲自聞其 卷二百二 友已可巨 ALLES 於前而公論與私言交入于耳此听以聽之難也若知 左右之助言事者未及見聽而怨仇已結於其身故於 恭儉之主動遵禮法自聞其失則從諫如流聞臣下之 主之聽言也亦有難有易在知其術而已夫忠那並進 此時諫人主者易言大臣者難此不可不察也自古人 罪於下於此之時諫人主者難而言大臣者易若寬仁 遇則務為優容以保全之而為大臣者外東國權內有 過而樂聞臣下之過人主好察多疑於上大臣側足畏 一人 胜代名臣奏議

故凡明言于外不畏人知者皆公言也若非其言職又 各舉其職或當朝正色顯言於廷或連章列書共論其 逆耳違意初聞若可惡者此忠臣之言也言婉而順希 肯合意初聞若可喜者此那臣之言也至於言事之官 其人之忠那辨其言之公私則聽之易也凡言拙而直 金万世たる 知言有主名者盖其言涉領那懼遭彈劾故凡陰有奏 不敢顯言或客奏乞留中或面言己出自聖斷不欲人 事言一出則萬口争傳衆目共親雖欲為私其勢不可 卷二百二

欠色日戸 いこう 出外其後趙抃范師道言宰相劉流亦罷職出外前年 大臣則難臣自立朝耳目听記景祐中范仲淹言宰相 別駕至和初具中復日景初馬遵言宰相梁適並罷職 於臣尤冊優禮常欲保全終始思與臣下愛情名節尤 吕夷簡貶知饒州皇祐中唐介言宰相文彦博貶春州 謹重於進退故臣謂方今言事者規切人主則易欲言 而畏人知者皆挟私之說也自古人主能以此術知臣 下之情則聽言之易也伏惟陛下仁聖寬慈客納直言 一 歴代名臣奏談

博遠窟廣西煙瘴之地賴陛下仁恕哀憐移置湖南得 易言大臣則難陛下若推此以察介等所言則可知其 存性命范師道趙抃並因言忤割流罷臺職守外郡連 人出處本末迹狀甚明可以歷數也唐介前因言文彦 心矣昨听罷點臺諫五人唯是從該入臺未久其他四 矣未聞有規諫人主而得罪者臣故謂方今諫人主則 罪自范仲淹貶饒州後至今凡二十年間逐臺諫者多 韓絲言富弱罷知祭州今又唐介等五人言陳升之得

金岁世居自言

卷二百二

た百日早から 也以此言之陶可謂狗公滅私之臣矣此四人者出处 本末之迹如此可以知其為人也就使言雖不中亦其 罪牽顧私恩人之常情爾斷思以義非知義之士不能 年為戒遇事必言得罪不悔盖町謂進退一節終始不 臺官及絳為中丞陶不敢內顧私恩以義争議絳終得 愛之士也至於王尚者本出孤寒只因韓絳薦舉始得 不以前蹈必死之地為懼師道與非不以中滯進用數 延數年然後復用今三人者又以言樞臣罷熟然則 歷代名臣奏説

得為郡未至失野其可惜者斥逐諫臣非朝廷美事阻 情必無他議者或謂言事之臣好相朋黨動摇大臣 伏望聖慈特賜召還介等置之朝廷以勸守節敢言之 塞言路不為國家之利而介等盡忠守節未蒙憐察也 非相朋黨非欲動摇大臣可明矣臣固謂未可以此疑 與師道以與稱為朋黨及與諸臺諫共論稱為非然 作威勢臣竊以謂不然至於去歲韓絳言富弱之時 言事之臣也况介等比者雖為商官幸蒙陛下寬恩各

金少四屋

137

陛下深憂政教未舉賞罰未明群臣之那正未分四方 たどり事とら 立之士昔以直言觸忤權臣擯斥且久今者一日並命 慶歷三年館閣校正蔡襄言增置諫官疏曰臣伏見朝 生靈大計也臣竊思任諫非難惟聽諫之難聽諫非難 之利害未完故增耳目之官以廣言路此陛下為社稷 廷選用王素余靖歐陽修等增備諫官是三人者皆特 士則天下幸甚 無賢愚萬口相慶皆謂陛下特發神斷握任不疑盖 歷代名臣奏議

惟用諫之難如素靖修等忠誠剛氣著信於人况蒙陛 金グロ万 其心事有必須切直者則極論之豈顧名哉若避好名 聰不可不察臣請為陛下陳之一曰好名夫忠臣務盡 好名也好進也彰君過也或進此說正是那人欲蔽天 以報劾也然那人惡之必有樂之之說不過曰某人也 之毁而無所陳施則土木之人皆可備數何煩陛下選 下獎核之知必能箴閱政獻明謨擿回那擊權倖思所 如此之至况名者聖人以之屬世俗分善惡豈可廢

足已日長によう 昏世上犯嚴威旁觸勢要鼎鑊居側斧鎖在前死亦不 必正若人主從而行之適以彰乎從諫之美安得謂之 諫諍之臣盖以司乎過舉也緩則客疏急則昌言期於 之好進今諫官有盡忠補闕之郊陛下但久任勿遷使 辭安得好進乎盖近來諫官進用太速故世人必以謂 近名者亦有幾人哉二曰好進前古諫臣之難者遭遇 乎借使為善近名陛下試思今之人遠權利敦潔行以 其人果忠且義雖死於是官亦無恨矣三曰彰君過凡 歷代名臣奏談 萐

為過此可謂彰君過臣向之所論乃忠臣巧者之分願 金少口乃台量 赐省覽今陛下出於聖處自撰諫官必自主之若有陳 言人主何從而知且愛更乎傳之當世垂之於後終以 可謂之好進也凡人主之有過諫官最為近密或不盡 之好名也容容默默無所耻愧践歷資序以登貴仕此 之就令不行復再議退而日某事我嘗言之矣此可謂 彰過乎然陳官亦有好名好進彰君過者異於此巧者 之為諫臣事之難言者則暗而不言擇其無所忤者言

していつ まり しょよう 其餘並皆隔下且諫臣職在諫諍大抵言朝政得失詔 之名而無好諫之實使其言有許切亦願優假無為好 述於理適當即賜施行無使天下之人謂朝廷有好諫 封府日有公事上殿外只有審刑院或大两省班次 臣迹遠言近不任就惶激切之至 UE 那構問致有斥逐使天下之人指朝廷有拒諫之失也 臣伏見問門儀制每日上殿不得過三班縁三司開 年右正言錢明逸乞上殿三班外亦聽諫臣求對狀 歷代名氏奏議

易小臣是朕拔擢致名位而無禮於朕朕極難奈無對 士因事進諫語甚切直憲宗不悅謂宰相李絳曰白居 乞今後諫臣有本職事求對雖已有三班外亦聽上殿 多分四月全書-上奏封細陳事理疏曰臣讀唐史見白居易為翰林學 日居易听以不避死亡之詠事無大小而必言者盖酬 令賞罰稍稍頃刻則事涉已行随而更張國體非便欲 年同中書門下平章事集賢殿大學士文彦博乞繼

堅於報主然自待罪两府已逾二年略無謀獻上裨神 宗曰卿言是也由是言多聽 たでもりまたか 謂素發尸孫與與小謹而已豈陳平所謂宰相者上 繞為學士能盡忠極諫以報恩遇而况臣非才寒進孤 聖雖則日奉天颜常親關座所奏覆者率多冗細事務 無黨獨蒙陛下誤聽特加拔權位至宰相大馬之誠 程文書徒煩齊聽無益治體以此為宰相職業真所 下拔權耳陛下欲開諫諍之路不宜阻居易之言憲 歷代名臣奏義 納臣以居易被憲宗技權 手九

幹清慈處事公平者任以剔務有學通古今識達政 職之義乎房為杜如晦唐之賢相太宗稍常責之曰公 金岁四月月 者任以邊事有經明德修立性明悟者任以侍臣有 展累間德音常以求賢致治為切務推誠納諫為至徳 為宰相當須開耳目求訪賢哲有武藝謀略才堪撫東 天于理陰陽順四時外鎮撫四夷使卿大夫各得任其 給安能助朕求賢哉斯言之責誠為至當臣每侍丹 任以治人此乃宰相之神益也比聞聽受詞訟日不 ~ 明

· 文定日事 Elain ... 奏頃刻之間或蹇韵有所未盡事理有所未周即欲繼 訥易窮遽數難辯理詳則塵漬順甚言略則利害不分 趙憬奏章欲上書論事其略曰稽額丹陛仰對宸嚴蹇 得進對咫尺天威凡西數陳或未詳盡臣當觀唐宰臣 臣獨不內愧於心乎臣復自念性本朴忠言多處批幸 理時德宗嘉納之今臣之愚猶憬之志此後有面陳口 臣愚不能上副聖意而陛下至仁未忍以大義責臣而 聞貞觀開元之際宰輔論事或多上言野其獲盡情 歷代名臣奏議 9

食りである 伸並仰諫官論奏憲臣彈舉每月須一員奏事或更有 親天禧元年二月內增置 諫官御史敢節文云或部令 不允官曹涉私措置失宜刑實瑜制征求無節克濫未 皇祐元年知諫院錢彦遠論臺諫風聞言事疏曰臣伏 之題固不敢妄陳偏見亦不乞留中不出惟其聖慈特 上奏封細陳理道上裨春聖訪納之勤下盡微臣區區 切務即許不依次入對雖言有過當必示曲全若事難 詳釋

た三可声 SI-5 約苛細似與先帝動意相遠先帝敢許論奏官曹涉私 |或韵求闕政虚行直言孜孜之心久而益厲三十年間 皇帝之時九穀順成三邊寧肅符瑞填委刑罰幾措尚 過失雖言而今中書樞密院不得施行誠敦厚風俗誠 假臣一二之陳而昨降動命諫官御史不許風聞言 顯行即令留内但不得潜為朋附故作中傷恭以真宗 開未嘗一日少怠髙出前古遠矣天下方歌之舞之非 斯制不易陛下篆紹不圖虚心聽納寬容盡下言路大 歷代名臣奏談

自壅塞耳目則門庭之內或有不聞校於國家兹體尤 金牙四尾百量 耳目譬如人之一身耳目聰明則聞見日博鉅細洞察 之豈敢訴也本末之間事未為允且諫官御史是陛下 言之是涉私免濫之疏無由上露今敢意謂過失自有 冤濫未伸是二者皆有司臣下之遇也今皆不許風聞 至於行止措置內斷於心豈可因耳目所見而必行苟 人論訴及官司覺察其有恃怙威權結朋黨者人尚畏 大臣町以聞新敕之下久未上言者慮人情便之而今 百二

一內外速近公議頗同伏望聖慈體先帝元置諫官御史 震之以威壓之以重而望忠臣之至直言之入難矣臣 Chilpin bilin 之不忠言之不直而天下安萬事治者未之有也臣竊 二年知太常禮院司馬光論張堯佐次日臣聞明主勞 **野貴天聽及早人情上達** 本意依天禧敕文內事節並許准故事風聞奏論彈舉 力以求諫和顏色而受之士植畏懦而不敢進又況 正士慎激謂起蒙蔽之端小人踴躍自得保全之計 歷代名臣奏議

一金定四庫全書 甚爱之者盛夏日方中而灌之瓜不旋踵而於敗其愛 至户院使謂陛下不私後官哉抑又聞之人有種瓜而 問自散郎至宣徽使雖彼實有可稱天下之人安可家 用今堯佐有野王之嫌而無其才陛下不次用之数年 為御史大夫既而疑曰吾恐後世謂吾私於後宫遂不 益固前日臺諫官等守問請對陛下却而不納中外之 見臺諫官屢以張堯佐事上言而陛下執之益堅拒之 莫不駭愕以為異事告漢元帝欲用馬昭儀兄野王 老二百二二二

貴用堯佐遠過其分天下已倒目扼腕而疾之又復推 臺諫官不得對之日陰霧冥冥跬步相失寒氷着木終 折忠諫以重其罪是正日中而灌瓜也臣竊為竟佐寒 敬陽明上下否塞凝感不决之象天意貼然有如教語 急厥罰常寒又按京房書謂之蒙氣此皆陰氣太盛壅 日不解臣謹按洪範五行傳聽之不聽是謂不謀厥分)非不勤也然灌之不以其時適町以敗之也今陛下 而陛下獨不為之深思遠慮哉非獨如是而已前者 歷代名臣奏議 聖

たこうらいこう 一

金分四月在書 首寢不能安食不能能深為陛下重情者也臣聞臣之 堯佐之故忽天戒而不顧棄人言而不從輕祖宗之爵 行道之人皆知其異陛下性資純考嚴恭天命容納直 事君猶子事父也豈有父獲大誇於外而子不以告且 禄違古今之明鑒書之簡策使天下之人有以議聖徒 言深明得失此非臣之該乃天下冊共知也獨奈何以 之萬一或累於光融萬大之美此臣町以日夜痛心疾 不諫哉惟陛下亞召諫臣使竭其町聞采納其言而慰 お二百二

他陽殿鍾離意諫即時罷之後乃復作殿成謂羣臣曰 俸之門則天下数然歌誦威徳豈有窮哉告漢明帝作 減以慰其心夫人主所欲為人臣豈能强愛之哉顧自 安其意以服上天之心解外廷之感闢忠謹之路塞寵 とこりえ ここう 今以往事復有大於堯佐者在列之臣噤嘿拱手視之 以屈意罷之者欲全諫臣之節而開直言之端也今臺 鍾離尚書在此殿不成矣然則明帝非不欲為殿也好 諫官前後言堯佐者數矣陛下會不留神省察少為木 胜代名臣奏義

陛下特禀上敵之德能聽大度之言数賞諫臣以權臺 **動好四扇全書** 官言事事涉後官之親出於風聞有古詩責臣愚以謂 職推誠含垢美盡君人之量堯舜之用心也近日聞臺 好崇諫所以廣治道防一切之未然也臣以螻蟻竊觀 三年翰林學士知制語胡宿上奏曰臣間聖主忧至言 而已矣此非朝廷之福也不然羣臣猶朽水陛下猶雷 諫官御史朝廷紀綱町寄雖有過謬可且優容告漢文 建安可以力校哉惟陛下察之而已矣

慎夫人 野以能保樂電者以能賞表益之直言也漢元 欲點其尤絳日此非陛下意必檢人以此崇誤上心自 必以我私後官之親肯德宗謂李絳比諫官論奏不實 帝馮野王昭儀之兄也徳行高妙推為第一時御史大 遜 賢主也表為直臣也帝町幸慎夫人盡掌諫諍言涉不 夫缺公卿多薦野王為之帝曰吾若用野王為之天下 納諫昌拒諫亡君尊如天臣甲如地干不測之禍雖 初雖然然不加罪後慎夫人聞之復賜盘金五百斤 7 登弋 白王辰美

帝王之君德莫盛於知過仁莫大於好生名莫荣於聽 下聖德厚思容忍臣子萬萬無窮也臣竊觀詩書听載 直集賢院劉敞上奏曰臣伏聞陛下以殿中侍御史裏 觀前史開納至言臣不勝區區之情 | 郵定四庫全書 | 險遠瘴厲之地憐其孤危將不生全改授英州此誠陛 行唐介言事狂狷責授春州别駕尋又聞陛下以春州 諫陛下皆践之且唐介居下訓上至陷於戾而陛下察 開納獎屬尚恐不至直士杜口非社稷福臣願陛下鉴

たこり声にいう 非道此商听以保人四海格于皇天者也臣听謂介之 義者更思竭盡故曰聽諫臣不勝幸甚臣聞伊尹戒商 王曰有言逆於汝心必求諸道有言遜于汝志必求諸 復受其不全故曰好生當介初得罪之時中外震動以 其本心以忠信為之故曰知過既責介身投之遠方而 矣若復潤略其罪優游其身使得省過追咎復齒朝列 所言雖逆耳求之於道亦當有合者陛下幸寬全不誅 言為戒及聞徒還英州人人惟竹知陛下無意殺之忠 歷代名臣奏議 実

故不務将順聖意之美須要排逐言者今四方之人不 舊縣不覺情因前古以來唯有人主不能容受直言或 大以開廣言路勘來者則盛德無疆臣不勝大馬之心 金分四月月十 致寫滴臣下今陛下慈仁好諫寬大如此不知中書何 以觸忤聖意不蒙於怨及於延和殿奏事面奉宣諭充 馮京落職將謂其人所行實有過當所言實有不可是 乃是根職京意亦無他中書惡其太直不與含容臣竊 至和元年敞又論不當排言者疏曰臣昨聞吳充熙官

增君之過尚要作威驚動朝望陛下不可不深察也臣按六經 時頻致天早春秋謂由公子遂專權之應而洪範五行僧則常 此風一動此勢一失是為君與臣同國聖人之至戒也魯僖公 臣大臣欲作威而不憚陛下則必相率背公向私奔走權門矣 陷於刑誅况今時人情遠不如古若聞陛下欲為善而牽於上 舊史大臣藏君之明止君之善侵君之權增君之過皆為不忠 知本末及謂陛下不能聽諫口誇腹誹所損不小且如此事陛 大三日日上 下心所必恕中書却欲必行是蔽君之明止君之善侵君之權 歷代名臣奏藏

· 場家則常風下侵上則山崩地震日月薄蝕如今者此事逆於 子置公鄉輔弼之臣寧令從該承意陷主於不義乎唐 得通議之故平津係不肯面折廷争汲職數之且曰天 倫理必恐感動陰陽或能遂致災旱風霧山崩地震日月之告 前後承弱之任故傅曰公御以諫漢制國有過則三 御史馬遵上奏曰臣聞古者天子有諍臣十人盖左 恨此一事近世未有臣雖口陳未能詳盡謹手書具奏以聞 望陛下留神深察此言臣以淺近荷陛下厚恩不敢不報然竊

金安口是人

卷二百二

之於已然之後其難易不侔也又況王言如緣出而 持禄而不敢諫小臣畏罪而不敢言此害霸也然則自 成太平李絲欲論采擇一事同列李吉甫曰此皆然間 太宗與房魏王珪華議事十数往返歸當而後已故能 有本木勢有先後若大臣不能正之於前而使小臣救 古諫諍乃大臣之任不獲己而後至於言責之人盖事 君為元首臣為股脏何事而不可得論也管仲曰大臣 事難言從他諫官上疏絳曰此難事豈可推與諫官且

大臣日東公島

歷代名臣奏議

忠臣不若良臣用直諫不如諷諫若無益事實自取空 言或謂之輕發後時而議則謂之已行空言雖多成效 名豈愛君憂國之人哉伏惟陛下容覆如天地照臨 大國令如汗下而不返乎以此見言責之難為也且為 甚少有臺諫之名無臺諫之實甚可惜也臣愚欲望陛 堯舜禹湯之用心也其如事關近司禁防甚容先事而 日月言無不從事無不察然猶並列臺諫以廣耳目 下清閒之宴召對執政大臣以堯舜君臣相戒敢之義

一金ジセガター

免己口豆 /inj 當為限如此則諸妖不能勝德大和可以致祥萬事不 見近日臣僚听上章奏多有留中不會降出者臣愚獨 大臣者豈為自安之計武盖古義如此時事當然臣言 或失先王之典禮並須再三執奏不得一切奉行以歸 二年御史中丞孫於論章疏多留中不降出状日臣伏 雖輕於事甚切惟陛下裁擇臣不勝惶恐待罪之至 隳太平可致臣以言事名官不以全責自歸而敢 板接 丁寧宣諭今後事有未便理有未安或瑜祖宗之制度 歷代名臣奏談 咒

院倖安生希合而致然那萬一姦人緣此陰結巧偽公 為精松果有警急事陛下不聞大臣不得知其如何吁 何臣即不審是已經聖覧别有特肯使之然那將權勢 銃心精力舉通其原尚或 間有欺隐故作弛放弊将 之可也帝王尊居九重總覽萬義防謹之先在於壅塞 温成皇后薨逝以來忽然生此節目臣恐四方聞之謂 可駭也且書稱明四目達四聰堯舜町以成大聖今自

鑫5四月全書

謂此一事於朝廷之體至要至重陛下宜深思而遠慮

卷二百二

南社朝廷之福非天下生靈之福欲望陛下敢中書申 陛下不喜正論遂使讓臣端士噤口結舌點不敢吐非 與大臣商權可行可止之狀以慰中外物議則陛下 宇並須立便批鑿投進或降出不得稍違時刻仍 明自來條約指揮通進銀臺司及內中經歷處所應文 次足の車を皆 至 德不損於告時陛下朝政愈新於今日臣不勝題悃之 仁宗時天章問待制 歷代名日奏議 知諫院包拯進魏鄭公三疏為子 平 聖 ;

得委任臣下或欲耀兵振武懾服四夷惟有元成勸朕 當謂左右日朕即位之初或言人主必須威權獨運不 在史冊臣竊謂元成雖言於當日亦可行於方今謹條 觀之風與三代比盛垂三百年抑有彩矣町上諫疏具 偃草與文布德施惠中國旣安遠人自服朕從其語天 日臣聞唐太宗矣明好諫之主也魏元成忠直無隐之 臣也故君臣道合千載一時事無不言言無不納太宗 下大寧絕域君長皆來朝貢此皆元成之力也是致貞

於定四軍全書· 極又論臺官言事状日臣伏見近者臺官以朝政闕失 機之服特賜觀覧傳記曰知之非艱行之惟艱惟陛下 御史已下六員並不兼領職當時記令不允官曹涉 為紀綱人君委之如耳目所以先帝特降部書添置侍 國家置御史府者盖防臣像不法時政失宜朝廷用之 上章論列或令分析或取戒屬中外傳聞於體不便且 留聖意天下幸甚 |疏憐録于左皆詞理切直可為龜鑑伏望陛下萬 歷代名臣奏談

措置乖方刑賞職制並許彈奏雖言有過當必示曲 懷以待犯顏必容此皆陛下憂動無政之至深群臣仰 伏自陛下臨御以來将三十載遵守先訓廣開言路虚 責降如此則上彰陛下好諫之徳下免朝廷過舉之失 若事難顧行即令留內盖先帝切於求治如是之極 英宗治平三年龍圖閣直學士司馬光上奏曰臣近會 過當更不令分析及取戒屬若乃阿意狗私即乞重行 望清光之不服矣臣欲望今後御史等凡有彈奏事或 グレノ し とこうること 御史知雜事傅堯俞知和州侍御史趙躬通判淄州趙 者使皆不敢言得專東大 有除改見在臺官亦優加撫諭使之就職昨日忽聞侍 外 議紛紜必謂旦夕下詔罷去親名其己出臺官當别 欲稱假使只稱濮王與仙遊縣君有何不可臣乃 通判汾州中外之人無不舊愕此盖政府欲閉塞來 殿蒙聖思宣前以濮王稱親事云此親宇官家亦本 下至公本無過厚於私親之意直為政府所惧以致 歷代名臣奏谋 八權追其胸臆臣切惟陛下春

達天下之望失人主之權正由遂政府數人根心而已 盡忠是故忠直敢言之臣國家之至寶也夫以人主之 不知於陛下有何所利而為之臣不勝區區深為陛下 惟所誹謗之語更為語歌矣 秋方肚里德飲明而今日獨取拒諫之名受孤恩之誇 光又上奏曰臣聞人主患在不聞其過人臣患在不能 痛情伏望陛下勿復詢於政府特發展斷召還堯俞等 下韶更不稱親如此則可以立使天下憤懑之氣化為

金分四月全書

罕見其比今一旦以言事太切盡從窟逐臣獨為朝 史裏行吕大防因言濮王典禮事盡被責降中外聞之 至哉獨聞侍御史知雜事吕該侍御史范純仁監察御 不駭愕臣觀此三人忠亮剛正憂公忘家求諸羣臣 而不敢進又沉憚之以威懲之以刑則嘉言何從而 下臨羣臣和颜色以求諫重爵賞以勤之羣臣猶畏 臣聞人君听以安崇者莫大於得人心今陛下狗 情違舉朝公議尊崇濮王過於禮制 与皇人

一統仁大防亦欲竭誠盡節以報陛下之知故敢不附政 親哉若使忠直日退阿諛日進則陛下何以復知臣下 之善惡政事之得失如此殆非國家之福也伏望聖慈 府仍然正論今更以此獲罪則陛下於羣臣之中尚誰 人之中任以為耳目之臣盖取其忠直非取其阿諛也 之間腹非竊嘆者多矣況純仁大防皆陛下簡校於泉 **取言事之臣羣輩逐之臣恐累於聖徳町損不細問里** 下之人已知陛下為仁宗後志意不專帳然失望今又

一多灾匹庫全書

-

欠 己可見 かこう 安懿王事相得罪並行禮逐產議宣然皆以謂海等能 知制語韓維上奏曰臣竊聞御史知雜日該等以論漢 别改近地一官亦可以少慰外人之心也 以謂陛下素好經術必能循用禮典以副先帝顧託之 以陛下自入繼大統士大夫莫不首論為人後之大義 禹之樂聞善言湯之改過不各不是過矣不則且為之 審議守職國之忠臣而切歎朝廷典刑遂至於此臣伏 **亚令該等還臺供職則天下翕然皆歌陛下之聖明雖** 胜代名臣奏談

復内牵那說貶斥正人數以微過放速善士臣恐自此 職者陛下厚賞以勸之嚴罰以督之循恐此風不愛而 護情人情姑息苟且為自容之計莫肯為國家悉心营 先王之法而止耳即如此者乃是爱君之至安听得罪 也臺官之言臣雖不盡聞料其用心不過欲陛下盡如 意自两制之議上聞臣下更白交諫務欲上廣聰明以 食少四屆 全書 而逐之也近年以來風俗顏做士大夫類皆貪固寵利 正此事而今者遂至斥逐憲官以失天下之望誠可漏

たこつをとう 窺問而有輕中國之心而天災数見地愛復作疾疫流 姦 传得志忠良結古陛下耳目益壅敬緩急朝廷有事 以安人情 行饑饉済至由此觀之臣恐陛下之憂不在濮王名 **未崇臺官不畏威依命也伏望聖慈思社稷安危之** 無由知此時雖有悔恨亦無及矣方今法度隳廢百 人情去就為處巫追昨日記書還海職事以敢前失 不治國用匱乏民力凋困外無良将士卒驕惰强 歷代名臣奏議 孟 ·計 國

金灯四厘台書: 為壅蔽以是論之獻替之言不可一日無之凡事止宜 輔人主之不逮不使九重之外無復聞見萬幾之事皆 知幸圖報之心宜何如哉臣竊思歷代設耳目之官盖 尸言職已武不效惟俟坐點敢有親親天慈蒙覆豈不 知諫院胡宿乞察言責實時有懲勸疏曰臣先有奏陳 辨論是非稍涉欺妄當行重責不當置其言而不用使 以力听不能願辭諫職不意朝命復除御史知雜臣久 之沮 辱在賢者糊然以思動為身謀悠悠皆是借如朝 表二百二

文王口事 A 1 图代名臣奏藏 塞聖聰将使拒諫遂事豈公忠愛君之人哉恐非廟社 先帝之為凡事堅執不可移易行一緣今進一匪人倡 臨政信任臺諫官町陳已行之事多有追奪欲陛下矯 勝耳目之官固難與争矣又聞近日臣僚建議以先帝 廷之事臺官不得預聞及其政令行下方始得知比正 言於外口出自宸衷人必不敢動摇岩果有之是欲窒 其所為則曰己行之命難以追改是執政之臣常自取 之福也且諫詩者非衮職之闕時政之失不應有呀激

嘗察其言爾求治之功有如漢宣但未當責其實爾臣 者暗黑自容坐累歲月例得運轉言與不言就為利哉 既未得其去敢不以言責自任伏望陛下既問之當察 無益之大弊也臣竊謂陛下好問之心過於虞舜但未 臣嘗親奉徳音指緘默者甚衆然然不聞有明誠勵斯 仇敵豈不知害于身凶于家町利者國家町守者職分 發上則佛戾聖意下則違忤輔臣以至被斜刻者皆為] 爾而又近年朝廷無懲勸之意設佞者傾附權勢畏避

少定四軍全書 宜時有懲勸則人無苟且職事皆舉有神於朝政太平 其言既用之當責其實無件左右被感聰明言事之官 爾 之基不難成矣矯先帝之為更宜沈慮已行之事果有 不便更張何疑不然臣未知職事之所守終不安其分 歷代名臣奏議

|--|